



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

LXVI. Der Erzbischof Willebrand versichert, daß sein Domcapitel in den Verkauf des Dorfes Mukede eingewilligt habe, am 2. April 1238.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

carissimas, paternis affectibus et maternis amplexibus amplexatur. Inter has Brandenburgensis ecclesia loco nobis est vicinior et aspectu presens et subjacens cotidiano conspectui sedis nostre. Habemus in ejus dyocesi, ut in vinea spiritualium, parrochias et patronatum jura, decimas non paucas et hujusmodi, que spiritualibus sunt annexa. Habemus in ea, ut in area temporalium, terras amplas, possessiones, opida, castra, familiam ecclesie residentem, ministerialium turbam multam et rebus et juribus habundantem, ita ut totam fere dyocesim in hiis et talibus domesticam habeamus, presertim cum ad nos pertineat terre illius jurisdictio temporalis. Cathedralem etiam ejus ecclesiam habundantiori quadam subjectione nobis invenimus semper esse devotam. Et hec sunt, que ad quedam beneficia gratuita circa ipsam merito nos invitant. Notum igitur esse volumus, tam presentibus quam futuris, quod nos, ad resignationem filiorum Alverici de Grabowe, ministerialium ecclesie, villam Mukede duodecim mansorum, quam vir venerabilis Jacobus, Brandenburgensis ecclesie prepositus, ab eisdem ad usum ecclesie sue justo emptionis titulo comparavit, cum silvis adjacentibus, piscationibus, pratis et pascuis, aquis aquarumque decursibus et omni jure suo de consensu capituli nostri eidem preposito et conventui Brandenburgensi et eorum successoribus ad usum ipsorum conferimus in proprium et donamus. Nulli ergo hominum liceat hanc paginam nostre donationis infringere aut ei ausu temerario contraire vel quocunque modo in predictis Brandenburgensem ecclesiam perturbare. Ut autem hec nostra donatio rata et inconvulsa futuris temporibus perseveret, ipsam tam nostri quam capituli nostri sigillorum munimine roboravimus, adhibitis ydoneis testibus, quorum nomina sunt hec: Ghernandus, Brandenburgensis episcopus, Bertramus, abbas sancti Johannis baptiste in monte Magdeburgensi, Arnoldus decanus et scholasticus majoris ecclesie, Ludolfus de Suanebeke, Ludolfus custos, Kraphto cellerarius, Tyemmo majoris ecclesie canonici, Sifridus de Niegrebe, Hermannus de Werberghe, Godefridus de Weddinghe, milites, et alii quam plures clerici et layci. Datum Magdeburg, apud montem sancti Johannis baptiste in domo lapidea secus transitum versus claustrum, anno domini millesimo ducentesimo XXXVIII. III. nonas Aprilis, indictione XI.

Nach dem Originale.

LXVI. Der Erzbischof Willebrand versichert, daß sein Domcapitel in den Verkauf des Dorfes Mukede eingewilligt habe, am 2. April 1238.

Willebrandus, dei gratia sancte Magdeburgensis ecclesie archiepiscopus, omnibus presentem paginam inspecturis in perpetuum. Cum secundum jura canonica licitum sit cuilibet prelato conditionem ecclesie sue facere meliorem, non deteriorem, constat secundum eadem, quod, quando prelatus aliquam possessionem ecclesie minus utilem commutare voluerit et pecuniam inde perceptam in usus magis utiles vel redimendo possessiones obligatas vel comparando novas convertere disposuerit, liceat eidem propositum suum ad effectum perducere capitulo minime requisito aut si ex urbanitate requisierit, et pauciores de capitulo absentes fuerint vel pauci presentes non consenserint aut pluribus consentientibus, contradixerint, propter hoc utilitas ecclesie remanere non debeat imperfecta; cum igitur dilectus nobis in Christo Jacobus, Brandenburgensis ecclesie prepositus, ad usum ecclesie sue villam Mukede, in proprietate ecclesie nostre sitam, que non sperabatur ad commodum ecclesie

nostre ullo unquam tempore vacatura cum omnibus suis attinentiis a filiis Alverici de Grabowe iusto emptionis titulo comparaverit et nobis, ut ecclesie Brandenburgensi proprietatem ejusdem ville liberaliter conferremus, pecuniam quinquaginta marcarum promisit: nos, licet eandem pecuniam in manus canonicorum nostrorum videlicet Ludolfi custodis et Temmonis ad possessiones obligatas redimendas vel novas emendas mandaverimus exhiberi nec eas in usus nostros speciales vellemus aliquo modo converti: consensum tamen capituli nostri ex urbanitate requirendum decrevimus in hoc facto, requisiti autem presentes voluntati nostre unanimiter paruerunt, Quidam etiam de presentibus, qui erant seniores, voluntates quorundam absentium et consensum, ex presumptione familiaritatis, in se receperunt, sicut sepius in diversis capitulis in talibus fieri consuevit. Presentes autem et personaliter consentientes erant hij: Arnoldus decanus, Fridericus de Meiendorp, Liudolfus de Suanebech, Liudolfus custos, Kraphto cellerarius, Albertus camerarius, Tymmo, Sifridus, Teodericus de Dohyn, Albertus de Vibach, Heinricus de Langheboy, Episcopus Brandenburgensis, qui similiter presens erat, recepit in se voluntatem et consensum Deghennardi Vicedomini, Inghelberti prepositi, et magistri Walteri de Dannenberche. Item dictus episcopus et Heinricus de Langheboy receperunt in se consensum prepositi Rubberti. Burchardus de Glinde, qui presens erat, non contradixit sed consensum suum distulit, donec cum absentibus loqueretur. Reliqui vero canonici non nominati et quidam etiam de absentibus nominatis, videlicet Vicedominus, magister Walterus de Danneberch et prepositus Inghelbertus et prepositus Bruno, qui tunc temporis excommunicatus exstitit, in provincia tunc non erant. Cum autem factum prenomiatum de emptione contrahenda et donatione a nobis facienda dilationem non ceperit, eo quod vocatio imperialis ad curiam subita nos urgeret, nos et emptionem procedere permisimus et ex consilio presentium canonicorum donationem Brandenburgensi ecclesie de predictis bonis fecimus, dilatione consensus Burchardi de Glinde penitus non obstante. Testes hujus facti sunt iidem, qui in privilegio sunt inscripti. Datum Magdeburg ad sanctum Johannem baptistam in monte, anno domini M^o. CC^o. XXXVIII. indictione XI. IIII. Non. Aprilis.

Nach dem Original.

LXVII. Der Bischof Eggehard, der Propst Rudolph und der Scholasticus Ernst von Merseburg befunden den über den Zehntstreit zwischen dem Bischofe und dem Markgrafen von Brandenburg im Jahre 1237 geschlossenen Vergleich, im Jahre 1238.

Eggehardus, dei gratia episcopus, Rodolfus prepositus, Ernestus scolasticus Merseburgensis, iudices a sede apostolica delegati, universis Christi fidelibus tam presentibus quam futuris in perpetuum. Mandatum apostolicum recepimus in hec verba: Gregorius episcopus (No. LXII). Item mandatum apostolicum compositionis faciende recepimus in hunc modum: Gregorius episcopus etc. (No. LXIV). Prioris igitur auctoritate mandati episcopo et procuracionibus marchionum in nostra presentia constitutis et auditis aliquibus rationibus partium hinc et inde, timentes negotium prorogari laboribus et sumptibus partium et magis discordie januam aperiri, volentes parcere laboribus et sumptibus eorundem, auctoritate posterioris mandati partes hortati sumus ad concordiam et ad pacem, que non solum super causa decimarum sed etiam super aliis negotiis et querelis, quas